

Kantonalno javno komunalno preduzeće
„Gradski saobraćaj“ d.o.o. Sarajevo
ul. Srđana Aleksića br 1, 71000 Sarajevo
UPAVA PRERDUZEĆA

Broj: 04/163
Datum: 03-05-2024

Na osnovu člana 69. stav (2) tačka e), člana 70. Zakona o javnim nabavkama BiH („Službeni glasnik BiH“ broj: 39/14 i 59/22) i člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, nakon provedenog Konkurentskog zahtjeva za dostavljanje ponuda, sa namjerom zaključivanja Okvirnog sporazuma, za nabavku usluga „**LOT 3029 - USLUGE OSIGURANJA REŽIJSKIH VOZILA**“ za potrebe KJKP „Gradski saobraćaj“ d.o.o. Sarajevo, Obavještenje o javnoj nabavci broj: broj 257-7-2-12-3-128/24 29.03.2024. godine, sažetak Obavještenja objavljen u „Službeni glasnik BiH“ broj 24, od 05.04.2024. godine, na preporuku Komisije za javnu nabavku date u Zapisniku o pregledu i ocjeni ponuda broj:4077/2 od 30.04.2024 godine i Preporuke o Poništenju postupka nabavke broj: 4077 od 30.04.2024. godine, **Uprava preduzeća donosi:**

**ODLUKU
O PONIŠTENJU POSTUPKA JAVNE NABAVKE
„LOT 3029 - USLUGE OSIGURANJA REŽIJSKIH VOZILA“**

Član 1.

Prihvata se Preporuka Komisije za javnu nabavku broj: 4077 od 30.04.2024. godine i poništava se postupak javne nabavke „**LOT 3029 - USLUGE OSIGURANJA REŽIJSKIH VOZILA**“, u skladu sa članom 69. stav (2) tačka e), te primjenom odredbi člana 2. stav (4) tačka l) pod 2) dostavljene ponude su neprihvatljive jer cijene svih ponuda prelaze planirana, odnosno osigurana sredstva ugovornog organa za predmetnu nabavku.

Član 2.

Odluka stupa na snagu danom potpisivanja i bit će objavljena na službenoj web-stranici Ugovornog organa, www.gras.ba, istovremeno s upućivanjem iste ponuđačima koji su učestvovali u predmetnom postupku javne nabavke u skladu sa članom 70. stav (6) Zakona o javnim nabavkama.

Obrazloženje

Poništava se postupak javne nabavke „**LOT 3029 - USLUGE OSIGURANJA REŽIJSKIH VOZILA**“ u skladu sa Članom 69: stav (2) tačka e), te primjenom odredbi člana 2. stav (4) tačka l) pod 2) dostavljene ponude su neprihvatljive jer cijene svih ponuda prelaze planirana, odnosno osigurana sredstva ugovornog organa za predmetnu nabavku.

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je u skladu sa odredbama Zakona o javnim nabavkama BiH („Službeni glasnik BiH broj 39/14 i 59/22), na osnovu Odluke o pokretanju postupka javne nabavke broj: 04/84, od 26.03.2024. godine pokrenuo je postupak javne nabavke „**LOT 3029 – Usluge osiguranja režijskih vozila**“. Za predmetnu nabavku predviđeno je zaključenje Okvirnog sporazuma sa najuspješnijim ponuđačem.

Vrijednost nabavke bez PDV-a procijenjena je na iznos 9.559,00 KM.

Javna nabavka je provedena putem Konkurentskog zahtjeva za dostavljanje ponuda.

Obavještenje o nabavci broj: 257-7-2-12-3-128/24 od 29.03.2024. godine, sažetak Obavještenja objavljen u „Službeni glasnik BiH“ broj 24 od 05.04.2024. godine.

U skladu sa Članom 16. Zakona o javnim nabavkama predmetni postupak nije podjeljen na LOT-ove jer isti ne može biti predmet podjele jer se radi o nabavci jedne vrste usluge koja se ne može podijeliti na osnovu objektivnih kriterija, npr. prema vrsti, karakteristikama, namjeni, mjestu ili vremenu ispunjenja.

Prije pokretanja postupka javne nabavke, u skladu sa Članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, upućeni e-mail zahtjevi za dostavljanje informativne ponude i svi dokumenti uloženi u predmet nabavke.

Komisija za provođenje postupka javne nabavke (u daljem tekstu Komisija) imenovana je Odlukom V.d. generalnog direktora broj: 05/121 od 09.04.2024. godine.

Na osnovu Izvještaja o preuzimanju tenderske dokumentacije sa portala E-nabavke od datuma objave do krajnjeg roka za preuzimanje tendersku dokumentaciju je preuzelo ukupno 11 (jedanaest) potencijalnih ponuđača. Od strane potencijalnih ponuđača je bilo postavljanja pitanja, odnosno tražena su pojašnjenja tenderske dokumentacije i na ista su blagovremeno dati odgovori.

Komisija za javnu nabavku (u daljem tekstu Komisija) provela je postupak otvaranja prispjelih ponuda na predmetno javno nadmetanje, dana 15.04.2024. godine, te postupak pregleda i ocjene ponuda dana 16.04.2024. godine.

U provedenim postupcima otvaranja, te pregleda i ocjene prispjelih ponuda Komisija je utvrdila da su u postupku javne nabavke do krajnjeg roka za dostavljanje ponuda

- blagovremeno pristigle 2 (dvije) ponude i to ponude ponuđača:
 - 1) Ponuda „Sarajevo-Osiguranje“ d.d. Sarajevo, (broj koverta sa ponudom 3589, od 15.04. 2024. godine), sa sjedištem u Sarajevu, ul. Maršala Tita br. 29., sa iskazanom cijenom pružanja predmetnih usluga, bez uračunatog PDV-a, u iznosu od 10.176,00 KM;
 - 2) Ponuda „ASA Central osiguranje“ d.d. Sarajevo, (broj koverta sa ponudom 3592, od 15.04. 2024. godine), sa sjedištem u Sarajevu, Trg međunarodnog prijateljstva br. 25., sa iskazanom cijenom pružanja predmetnih usluga, bez uračunatog PDV-a, u iznosu od 9.903,25 KM.
- da su ponuđene cijene u prispjelim ponudama znatno veće od osiguranih sredstava za predmetnu nabavku, čija procijenjena vrijednost, bez uračunatog PDV-a, iznosi 9.559,00 KM;
- da su ponude urađene u skladu sa zahtjevima iz predmetne tenderske dokumentacije, u pogledu traženih i dostavljenih dokumenata, te da u ovom smislu nije bilo osnova za isključenje ponuđača iz predmetnog javnog nadmetanja,
- da nije bilo razloga za isključivanje ponuđača zbog neispunjavanja kvalifikacionih uslova, propisanih predmetnom tenderskom dokumentacijom,
- da su prispjele ponude prihvatljive prema ispunjenju zahtjeva u pogledu opisa predmetne nabavke i tehničke specifikacije.

Kako u ponudama ponuđača „Sarajevo osiguranje“ d.d Sarajevo i „ASA central osiguranje“ d.d. Sarajevo ponuđene cijene nabavke predmetnih usluga prelaze planirana odnosno osigurana novčana sredstva ugovornog organa za predmetnu nabavku, to je Komisija za nabavke iste ocijenila kao neprihvatljive i u Preporuci broj: 4077 od 30.04.2024. godien predložila Upravi preduzeća da se poništi postupak javne nabavke „LOT 3029 - USLUGE OSIGURANJA REŽIJSKIH VOZILA“ shodno odredbama člana 69. stav (2) tačka e) Zakona o javnim nabavkama BiH („Službeni glasnik BiH“ broj: 39/14, 59/22) kojima je propisano da je „Ugovorni organ obavezan poništiti postupak javne nabavke u slučaju da da su cijene svih prihvatljivih ponuda znatno veće od osiguranih sredstava za predmetnu nabavku“.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnik.

Komisija je u svom radu u potpunosti poštivala Zakon o javnim nabavkama BiH i podzakonske akte, te je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskoj dokumentaciji.

Cijeneći izloženo u smislu odredaba člana 69. stav (2) tačka e) i člana 70. Zakona o javnim nabavkama BiH („Službeni glasnik BiH“ broj: 39/14 i 59/22), te člana 21. Statuta KJKP „Gradski saobraćaj“ d.o.o. Sarajevo donesena je odluka kao u dispozitivu.

POUKA O PRAVNOM LIJEKU:

Shodno članu 101. stav (5) tačka c) Zakona o javnim nabavkama BiH („Službeni glasnik BiH“ broj: 39/14, 59/22) protiv ove Odluke dopuštena je žalba Uredu za razmetranje žalbi BiH, putem Ugovornog organa, u roku od 5 (pet) dana od prijema ove Odluke.

Za Ugovorni organ
Predsjedavajući Uprave preduzeća
V.d. Generalnog direktora
Mr. Senad Mujagić

Dostaviti:

1. „Sarajevo-Osiguranje“ d.d. Sarajevo, Maršala Tita br. 29., Sarajevo
2. „ASA Central osiguranje“ d.d. Sarajevo, Trg međunarodnog prijateljstva br. 25., Sarajevo
3. Uprava preduzeća
4. Odjeljenje javnih nabavki (u spis)
5. Odjeljenje javnih nabavki
6. Odjel Interne revizije
7. Arhiva